



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-4427-4
Sarajevo, 18.09.2019. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2019. godinu, imenovane Rješenjem broj 05-1-14-4-1920 od 28.03.2019. godine i izmjenom Rješenja broj 05-1-14-4-1920-1 od 12.04.2019. godine u postupku javne nabavke građevinsko - zanatskih radova - nastavak radova u ulici Nurije Pozderca, ministar unutrašnjih poslova Kantona Sarajevo, **d o n o s i**

ODLUKU
o izboru ponuđača za nabavku građevinsko - zanatskih radova – nastavak
radova u ulici Nurije Pozderca

I

Na osnovu Odluke broj 01-14-4-4427 od 02.08.2019. godine i Obavještenja o nabavci broj 1364-7-3-40-3-34/19 od 06.09.2019. godine, proveden je konkurentski zahtjev za dostavu ponuda u postupku javne nabavke građevinsko - zantskih radova - nastavak radova u ulici Nurije Pozderca.

Komisija je shodno Zakonu o javnim nabavkama BiH, dala preporuku da se donese Odluka o dodjeli ugovora ponuđaču – izvođaču radova „Interming“ d.o.o Sarajevo sa ponudom u iznosu od 18.400,86 KM sa PDV-om.

II

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

III

Ova odluka stupa na snagu danom donošenja.



Obrazloženje

Na osnovu Odluke broj 01-14-4-4427 od 02.08.2019. godine i Obavještenja o nabavci broj 1364-7-3-40-3-34/19 od 06.09.2019. godine, proveden je konkurentski zahtjev za dostavu ponuda u postupku javne nabavke građevinsko - zanatskih radova - nastavak radova u ulici Nurije Pozderca.

Javno otvaranje ponuda izvršeno je dana 16.09.2019. godine u 12.00 sati, što je konstatovano zapisnikom sa otvaranja ponuda od 16.09.2019. godine.

Ponudu je dostavio samo jedan ponuđač:

„Interming“ d.o.o Sarajevo sa ponudom u iznosu od 19.416,34 KM bez PDV-a, na koju je odobren popust u iznosu od 3.689,11 KM tako da ukupna ponuda bez PDV-a iznosi 15.727,23 KM, odnosno 18.400,86 KM sa PDV-om.

Dostavljanje Zapisnika sa otvaranja ponuda je izvršeno prema učesniku u postupku nabavke u zakonskom roku, nakon čega je Komisija pristupila analizi dokumentacije priložene uz ponudu u smislu provjere njene validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa procedurama i pravilima utvrđenim tenderskom dokumentacijom, ZJN i pripadajućim podzakonskim aktima o čemu je sačinjen Zapisnik o pregledu i ocjeni ponuda od 18.09.2019. godine.

Uzimajući u obzir sve naprijed navedeno, Komisija za javne nabavke ovog Ministarstva je na sastanku održanom dana 18.09.2019. godine sa početkom u 14,00 sati usaglasila stav i jednoglasno dala preporuku ministru Ministarstva unutrašnjih poslova Kantona Sarajevo da donese odluku o dodjeli ugovora za ponuđača – izvođača radova „Interming“ d.o.o Sarajevo za ponudu u iznosu od 18.400,86 KM sa PDV-om.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa članom 99. i 101. Zakona o javnim nabavkama BiH.



DOSTAVITI:

1. Ponuđaču,
2. Upravi podrške,
3. Komisiji,
- ④ Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

